



Nr. 2.2020

ХҮНСНИЙ НОГООНЫ ҮРСЛЭГ БОЙЖУУЛАХ

Үрслэгээр ургуулах арга

Хүнсний ногооны зарим таримлуудыг үрслэгийн аргаар тарих бөгөөд тарих хугацаа, тариалах бус нутаг, ил болон хамгаалагдсан хөрсөнд шилжүүлэн суулгах хугацаанаас хамаарч харилцан адилгүй хугацаанд байна.

Үрслэг нь хамгаалагдсан болон ил талбайд шигүү байдлаар ургуулан тогтсон газар буюу хүлэмж, ил талбайд шилжүүлэн суулгах боломжтой залуу ургамал юм. Үрслэгээр ургуулах давуу тал нь эрт ургац авах боломжийг бүрдүүлнэ.

Үрслэгийн төрөл

Ил талбайд ургуулах үрслэгийг эртийн, дундын, оройн гэж хуваана.

Эртийн үрслэгт тухайн жилийн хамгийн эрт ургац авах боломжтой ургамлууд орох бөгөөд бөөрөнхий цагаан байцаа, цэцэгт байцаа, колъраби, лооль, цэс, чинжүү, бөөрөнхий сонгино, порей сонгино, цоохор майлц зэрэг таримлуудын эрт болцтой сортууд хамрагдана. Эдгээр таримлуудын үрслэгийг халаалттай буюу өвлийн зориулалттай хүлэмж, дарлагад бойжуулна.

Дундын үрслэгийг арай оройтуулан тарих бөгөөд нийлэг хальсан хүлэмж, түнэль, хүйтэн дарлагад ургуулна. Үүнд орой болцтой байцаа, лооль, хэмх, цэс, чинжүү зэрэг таримлууд хамаарна. Таримлын онцлогоос хамаарч үрлэгийн бойжих хугацаа 20 – 50 хүртэл хоногт үргэлжилнэ.

Оройн үрслэгийг ил талбайд, хүйтэн дарлагад ургуулдаг. Энэ хэсэгт ихэвчлэн дунд болон орой болцтой байцааны сортууд, цэцэгт байцаа, брокколи, тонх орно.

Үрслэг бойжуулах арга

- Үрийг тарилтанд бэлтгэх: Үр нь 90%-иас доошгүй соёололттой байх ба ариутгаж бэлтгэнэ.
- Тарих талбай, хоовон бэлтгэх: үрслэг тарих хөрс шинэ буюу ариутгасан байна, хавтант хоовон ашиглах тохиолдолд хөрсний холимог болон хөвдөн хөрсийг хэрэглэнэ.
- Тарих: үрслэгийг шилжүүлэн суулгах хугацааг тухайн сортын боловсрох хоногийг харгалзан хийнэ.
- Арчлах: үрслэг ургах тохиромжтой температурыг бариулах, гэрэлтүүлэг сайтай байлгах, хөрсний чийгийг алдагдуулахгүй байна. Үрслэгийн хэмжээ томрох үед бортгонд шилжүүлэн суулгана.



Зураг 1: Хоовон (эх сурвалж: Ж.Байгалмаа)

Implemented by



Үрслэг бойжуулах нөхцөл

- Ургамлын өсөлт хөгжилтөд тохирсон дулаантай байлгана.
- Тохирсон шим тэжээлийг өгөх. Шим тэжээл дутагдвал ургалтын үе шатууд удааширдаг.
- Усалгааг тохируулах.
- 5-6 жинхэнэ навчтай үед талбайд шилжүүлэн суулгана.



Зураг 2: Хоовонд үр суулгасан байдал (эх сурвалж: Ж.Байгалмаа)

Шилжүүлэн суулгахад бэлэн болсон үрслэгийн байдал

1. Таримлын төрлөөс хамаарч янз бүрийн өндөртэй, жишээ нь лоолийн үрслэг 30 см
2. Хар ногоон өнгийн эрүүл навчтай
3. Навч хоорондын зайд богино
4. Хүчирхэг үндэсний системтэй



Зураг 3: Бусад таримлын үрслэг (эх сурвалж: УГТХ-ийн архив)



Зураг 4: Лоолийн үрслэг (эх сурвалж: УГТХ-ийн архив)



Зураг 5: Хэмхний үрслэг (эх сурвалж: УГТХ-ийн архив)

Хүснэгт 1: Үрслэг тарих, шилжүүлэн суулгах хугацаа

Таримал, тарих хугацаа	Үр соёолох хугацаа, Талбайд шилжүүлэх хугацаа	Ургуулах онцлог
Лооль Хүлэмж: II буюу III сарын дунд үе Ил талбай: III буюу IV сар	25-30°C – д 2 долоо хоногт соёолно Сортын онцлогоос хамаарч 50-60 хоногтой үрслэг шилжүүлнэ	<ul style="list-style-type: none"> - Хайрцаг, хавтант хоовонд тарих нь 7-10 хоногоор эртжүүлнэ. 2 жинхэнэ навчтай үед цөөлнө. - Үр соёолнсоос 2-3 хоногийн дараа нэмэлт гэрэлтүүлгийг 24 цаг, цаашид 14-16 цаг хэрэглэнэ. - Үндэсний систем хайрцаг, хавтант хоовонгийн гадаргууд хүрмэгц цаашид хөгжил зогсонги байдалд ордог тул бортогонд шилжүүлэн суулгана.
Чинжүү	25-30°C – д 2-3 долоо хоногт соёолно	<ul style="list-style-type: none"> - Үрийг жижиг саванд тарих ба цаашид том бортогонд шилжүүлэн суулгана.

Мэдээллийн богц



Таримал, тарих хугацаа	Үр соёолох хугацаа, Талбайд шилжүүлэх хугацаа	Ургуулах онцлог
II сар буюу III сарын дунд үе	Талбайд 60-70 хоногтой үрслэг шилжүүлнэ	<ul style="list-style-type: none"> - Нэмэлт гэрэлтүүлэг шаардлагатай: эхний үед 14-16 цаг, 2-4 жинхэнэ навч гарсан үед 10-12 цаг 7-8 жинхэнэ навчтай үед орой нахиаг танах нь хажуугийн салбар нахиа үүсэж арвин үргац авна.
Цэс	25-30°C – д 2-3 долоо хоногт соёолно	<ul style="list-style-type: none"> - Үрслэг шилжүүлэлт мүү даадаг тул үрийг жижиг саванд тарих ба цаашид том бортогонд шилжүүлэн суулгана.
II сар буюу III сарын дунд үе	Талбайд 60-70 хоногтой үрслэг шилжүүлнэ	<ul style="list-style-type: none"> - Гэрэлд мэдрэмтгий тул эхний үед 14-16 цаг байлган оройн 6 цагаас өглөө хүртэл харанхуйг үүсгэнэ. Үрслэгийг залуу үед нь шилжүүлэн суулгах
Байцаа		
Бөөрөнхий байцаа:	20-25°C – д 2 долоо хоногт соёолно	<ul style="list-style-type: none"> - Бортогонд таривал гол үндэсний систем гэмтэхгүй.
III сарын дунд үе		<ul style="list-style-type: none"> - Үр соёолж эхэлмэгц агаарын хэмийг 6-80°C хүртэл буулгахад үрслэг сунахгүй.
Цэцэгт болон бусад байцаа:	Талбайд 45 хоногтой үрслэг шилжүүлнэ	<ul style="list-style-type: none"> - Байцааны үрслэгийг сэргүүтэр, гэрэлтэй нөхцөлд бойжуулна.
III сарын сүүлээр		
Сонгино		
II сар буюу III сарын дунд үе	20-25°C – д 7-10 хоногт соёолно	<ul style="list-style-type: none"> - 90-120 нүхтэй хавтант хоовонд тарих. - Хайрцганд ургамал хооронд 1-1.5 см, мөр хооронд 2.5-3 см зйттай тарих. Маш удаан соёолдог тул тарихын өмнө 400C халуун бүлээн усанд дэвтээж аажмаар температурыг багасган усыг 3-4 удаа солино.
Хэмх, тарвас, амтат гуа		
	23-25°C – д 3-4 хоногт соёолно	<ul style="list-style-type: none"> - Үр соёолж эхэлмэгц агаарын хэмийг 180C хүртэл буулгахад үрслэг сунахгүй.
	Талбайд 30-40 хоногтой үрслэг шилжүүлнэ	<ul style="list-style-type: none"> - Гэрэлтүүлэг сайтай байх, хөрсийг тогтмол чийгтэй байлгах.

Үрслэг шилжүүлэн суулгах үед анхаарах зүйл

- Үрслэг шилжүүлэн суулгах талбайн хөрсийг чийгтэй байлгах,
- Үрслэг шилжүүлэн суулгах үед үрслэг өөрөө чийгтэй байх,
- Жижиг буюу сул хөгжилтэй, өвчин хортонд нэрвэгдсэн үрслэгийг тарихгүй заазлах,
- Шилжүүлэн суулгах үед нар салхинд гандаахгүй байх,
- Үрслэгийн хэмжээнээс хамаарч тохиромжтой гүнд суулгах,
- Үрслэгийн үндэс авалтыг хурдасгах зорилгоор шилжүүлэн суулгаснаас хойш 5 мм хэмжээгээр услах,
- Үрслэг шилжүүлэн суулгахаас өмнө буюу шилжүүлэн суулгаснаас долоо хоногийн дараа хортны эсрэг фунгицид хэрэглэх.

ЗӨВЛӨМЖ

- Хүнсний ногоог тариалах бүсээс хамааран хүлэмж болон ил талбайд тарих хэдий ч сортын онцлогоос хамаарч тохиромжтой тарих нөхцөлийг сонгох шаардлагатай.
- Үрийг тарьснаас хойш 2 сарын хугацаанд бойжуулан талбайд шилжүүлнэ.
- Үрслэг бойжуулах хамгийн тохиромжтой дулаан 22°C ба үслах, цөөлөх, сийрүүлэх, бордох арга ажиллагаануудаас бүрдэнэ.

Ашигласан хэвлэл:

Ган Гуан Рюунь “Хүлэмжинд лооль болон хэмх тариалах технологи”, УБ 2010

Марков В.М., “Овощеводство”, Москва 1974

Миттлайдер Р., “Курс овощеводства” Тульская область 2012

Чулуунбаатар Ж., “Ногооны аж ахуй”, УБ 2011

Эмхэтгэн
боловсруулсан:
Герман-Монголын Хамтын Ажиллагааны
„Тогтвортой Хөдөө Аж Ахуй“ Төсөл

Хаяг:
Засгийн газрын IХа байр, Энхтайвны өргөн чөлөө 16а,
Улаанбаатар 13381, Монгол улс

Мэйл:
project.mn@iakleipzig.de

Вэб хуудас:
www.dmknl.de

Текст
УГТХ-ийн хүнсний ногоо судлалын секторын эрдэм шинжилгээний
ажилтан, доктор (Ph.D) Ж.Байгалмаа, мэйл хаяг: bbaigal70@gmail.com

Тайлбар
Энэхүү мэдээллийн бөгцөнд багтсан баримт, дүгнэлтийн үнэн зөв
байдлыг зохиогч хариуцна. Уг зөвлөмж нь Герман-Монголын хамтын
ажиллагааны “Тогтвортой хөдөө аж ахуй” (MNG 19-01) төслийг
санхүүжүүлэгч ХБНГУ-ын Хүнс, хөдөө аж ахуйн яамны албан ёсны
байр суурийг илэрхийлээгүй болно.